



CEFNOGI POBL IFANC



CYNNWYS

Profiad unigryw i bobl ifanc yng Nghymru	3
Beth yw Senedd leuencid Cymru?.....	4
Etholiad Senedd leuencid Cymru	6
Sut beth yw Senedd leuencid Cymru?	8
Cynrychioli dyfodol Cymru	9
Beth mae'n ei olygu i fod yn Aelod o Senedd leuencid Cymru?	10
Pa gymorth y gall Aelodau Senedd leuencid Cymru ei ddisgwyl gan y Senedd?	12
Cyfrifoldebau bod yn Aelod o Senedd leuencid Cymru	14
Pa ymrwymiad a ddisgwylir gan Aelod o Senedd leuencid Cymru?	16
Pwy all sefyll fel ymgeisydd yn yr etholiad?	17
Sefydliadau Partner	19
Pleidleisio yn etholiadau Senedd leuencid Cymru	20
Sut y gall Ysgolion a Sefydliadau leuencid gefnogi a hyrwyddo etholiad Senedd leuencid Cymru?	21



PROFIAD UNIGRYW I BOBL IFANC YNG NGHYMURU

O ddadlau a thrafod materion gyda'u cyfoedion, i gyflwyno araith yn Siambr y Senedd. Mae gwaith Senedd Ieuenctid Cymru yn rhoi amrywiaeth o gyfleoedd unigryw i bobl ifanc yng Nghymru, rhwng 11 ac 17 oed.

Efallai mai cymryd rhan yn etholiadau Senedd Ieuenctid Cymru fydd y tro cyntaf i rai pobl ifanc ddadlau a thrafod materion sydd o bwys iddynt gyda'u ffrindiau ac fel rhan o broses ddemocrataidd.

I eraill, efallai y byddai'n gyfle i fagu hyder a phrofiad wrth ddadlau a thynnu sylw at y materion hyn mewn ffordd a all wneud gwahaniaeth i ddyfodol pobl ifanc yng Nghymru.



Mae bod yn rhan o Senedd Ieuenctid Cymru wedi bod yn brofiad bythgofiadwy sydd wedi rhoi cyfle imi weithio gyda 60 o bobl ifanc hynod ymrwymedig ac ysbrydoledig i gynrychioli llais pobl ifanc yma yng Nghymru.

Cerys Harts
Aelod o Senedd Ieuenctid Cymru
2021-2024

BETH YW SENEDD IEUENCTID CYMRU?

Sefydlwyd Senedd Ieuenctid Cymru (SIC) gyda syniadau a dyheadau pobl ifanc Cymru wrth wraidd ei datblygiad. Mae'n gyfle unigryw i bobl ifanc ledled Cymru gymryd rhan wrth arwain y drafodaeth ar faterion sydd o bwys iddynt.



Bydd y Senedd Ieuenctid yn rhoi llais democrataidd i bobl ifanc Cymru ar lefel genedlaethol ac yn eu grymuso i greu newid.

Elin Jones AS
Llywydd y Senedd

O'r dechrau, mae pobl ifanc yng Nghymru wedi chwarae rhan allweddol gyda dros 5,000 o bobl ifanc yn cymryd rhan mewn ymgynghoriad i helpu i benderfynu ar nod, aelodaeth a gwaith Senedd Ieuenctid Cymru. Mae hyn wedi arwain at ffurfio Senedd Ieuenctid a etholwyd yn ddemocrataidd sy'n cynnwys 60 o Aelodau Senedd Ieuenctid Cymru (ASIC).



Rwy'n ddigon lwcus i fod wedi gweld datblygiad Senedd Ieuenctid Cymru ac wedi profi'n uniongyrchol yr effaith y gall ein lleisiau ei chael. Mae'r ffaith bod gennym ni, fel cenedl, senedd ar y cyd yn y lle cyntaf yn dangos bod Cymru ar flaen y gad.

Ollie Mallin

**Aelod o Senedd Ieuenctid Cymru,
2018-2020 a 2021-24**

Gallwch ddarllen mwy am hanes ffurfio Senedd Ieuenctid Cymru a'r gwaith a wnaed gan Aelodau blaenorol o Senedd Ieuenctid Cymru drwy fynd i [**www.seneddieuenctid.cymru**](http://www.seneddieuenctid.cymru).

ETHOLIAD SENEDD IEUENCTID CYMRU

Cynhelir ail etholiadau Senedd Ieuencid Cymru fis Tachwedd 2024.

Bydd yr etholiad hwn yn rhoi cyfle i bobl ifanc rhwng 11 ac 17 oed bleidleisio i ddewis Aelod o'r Senedd Ieuencid ar gyfer eu hetholaeth. Gall unigolion hefyd gynnig eu henwau i sefyll mewn etholiad.

Bydd gan y 60 Aelod etholedig o Senedd Ieuencid Cymru gyfle unigryw i sicrhau eu bod yn cael eu clywed ar lefel genedlaethol. Bydd yn eu galluogi i godi ymwybyddiaeth o faterion sy'n bwysig i bobl ifanc yng Nghymru heddiw, a thrafod y materion hynny.



Fe wnes i gymryd rhan yn Senedd Ieuencid Cymru i sicrhau bod lleisiau pobl ifanc yn cael eu clywed.

Fatma Nur Aksoy
Aelod o Senedd Ieuencid Cymru,
2021-2024

Drwy gymryd rhan mewn gwleidyddiaeth pynciau llosg, bydd plant a phobl ifanc yn cael profiad uniongyrchol o sut mae gwleidyddiaeth yn gweithio a'r effaith uniongyrchol y gall ei chael ar eu bywydau.

Y dyddiadau allweddol ar gyfer yr etholiad yw:

COFRESTRU I BLEIDLEISIO

27 Mai 2024 hyd at 20 Tachwedd 2024

ENWEBU YMGEISWYR

Rhwng mis Mehefin a mis Medi 2024

PLEIDLEISIO AR-LEIN

4 Tachwedd 2024 hyd at 25 Tachwedd 2024

SUT BETH YW SENEDD IEUENCTID CYMRU?

Fel y Senedd, bydd gan Senedd Ieuenctid Cymru 60 o Aelodau.

Bydd 40 o Aelodau Senedd Ieuenctid Cymru'n cael eu hethol drwy system 'Cyntaf i'r Felin', gan ethol un person ifanc ar gyfer pob etholaeth etholiadol yng Nghymru.

Gall unrhyw berson ifanc sy'n byw yng Nghymru, neu sy'n cael addysg yng Nghymru, ac sydd rhwng 11 ac 17 oed sefyll fel ymgeisydd yn un o'r 40 sedd etholaethol. Os yw person ifanc sy'n dymuno sefyll mewn etholiad yn cael ei addysg mewn etholaeth etholiadol sy'n wahanol i'w gyfeiriad cartref, gall ddewis pa etholaeth y mae'n dymuno sefyll ar ei chyfer. Gallwch ddod o hyd i'ch etholaeth drwy fynd i www.senedd.cymru/aelodau.

Caiff yr 20 sedd arall eu hethol gan sefydliadau partner er mwyn sicrhau bod grwpiau amrywiol o bobl ifanc yn cael eu cynrychioli. Mae rhagor o wybodaeth am y broses sy'n gysylltiedig â'r sefydliadau partner ar gael yn

www.seneddieuenctid.cymru.

Bydd gan bob un o'r 60 Aelod o Senedd Ieuenctid Cymru statws cyfartal, a'r un rolau a chyfrifoldebau yn y Senedd.

CYNYRCHIOLI DYFODOL CYMRU

Caiff Cymru ei rhannu'n 40 o ardaloedd llai o'r enw etholaethau. Bydd pobl ifanc yn gallu enwebu eu hunain i sefyll i gael eu hethol i gynrychioli'r etholaethau hyn.

Trefnir yr etholaethau hyn yn bedair rhanbarth yng Nghymru. Bydd pobl ifanc yn cwrdd yn rheolaidd ac yn gweithio gydag Aelodau eraill Senedd Ieuenctid Cymru o'u rhanbarth lleol.



Rydw i am sicrhau bod pobl ddim yn cael eu hanwybyddu, bod eu lleisiau'n cael eu clywed a bod y camau priodol yn cael eu cymryd... Y gobaith yw y gall Aelodau o Senedd Ieuenctid Cymru ddod at ei gilydd i wneud gwahaniaeth enfawr.

Tegan Skyrme
Aelod o Senedd Ieuenctid Cymru,
2021-2024

Rydw i am sicrhau bod pobl ddim yn cael eu hanwybyddu, bod eu lleisiau'n cael eu clywed a bod y camau priodol yn cael eu cymryd... Y gobaith yw y gall Aelodau o Senedd Ieuenctid Cymru ddod at ei gilydd i wneud gwahaniaeth enfawr.

BETH MAE'N EI OLYGU I FOD YN AELOD O SENEDD IEUENCTID CYMRU?

Bydd y 60 Aelod o Senedd Ieuencid Cymru yn gweithio gyda phobl ifanc yng Nghymru i nodi a thrafod materion sy'n bwysig iddynt, yn ogystal â chodi ymwybyddiaeth o'r materion hyn.



Mae'n anhygoel gweld yr Aelodau o Senedd Ieuencid Cymru yn eistedd lle caiff penderfyniadau eu gwneud yng Nghymru.

Rocio Cifuentes
Comisiynydd Plant Cymru

Bydd Aelodau Senedd Ieuencid Cymru yn:

- Ymgysylltu â phobl ifanc yn eu hardal.
- Penderfynu pa faterion sy'n flaenoriaeth i Senedd Ieuencid Cymru.
- Mynegi eu barn am faterion y maent yn teimlo'n angerddol amdanynt. Mae gwleidyddiaeth pynciau llosg yn ganolog i waith Senedd Ieuencid Cymru, nid yw'r Aelodau'n cael eu hethol i gynrychioli pleidiau gwleidyddol.
- Cael cyfle i gymryd rhan a siarad mewn digwyddiadau ac yn y cyfryngau yn ystod eu cyfnod.

- Cefnogi Aelodau eraill o Senedd Ieuenctid Cymru.
- Trafod materion gydag Aelodau o'r Senedd a Llywodraeth Cymru.
- Cyfrannu at waith pwyllgorau'r Senedd.
- Helpu plant a phobl ifanc i ddeall sut y mae'r Senedd a Senedd Ieuenctid Cymru yn gweithio, a'r effaith y maen nhw'n ei chael ar fywydau pobl Cymru.
- Cwrdd â'i gilydd fel Senedd Ieuenctid Cymru yn ei chyfanrwydd dair gwaith yn ystod y tymor o ddwy flynedd.
- Cwrdd â'i gilydd ar lefel ranbarthol ac mewn digwyddiadau ymgysylltu bob 2-3 mis. Cwrdd naill ai wyneb yn wyneb neu'n rhithwir i drafod a datblygu'r materion sy'n flaenoriaeth i Aelodau'r Senedd Ieuenctid.
- Bydd yr Aelodau newydd sy'n cael eu hethol yn penderfynu sut yr hoffent drefnu eu hunain.
- Byddant yn cynrychioli pobl ifanc mewn ffordd gadarnhaol.

PA GYMORTH Y GALL AELODAU SENEDD IEUENCTID CYMRU EI DDISGWYL GAN Y SENEDD?

Bydd y Senedd yn cefnogi holl Aelodau Senedd Ieuenctid Cymru yn y ffyrdd canlynol:

- Bydd aelod o staff o'r Senedd yn cael ei neilltuo i bob Aelod o'r Senedd Ieuenctid am y cyfnod y mae'n Aelod o Senedd Ieuenctid Cymru. Bydd yr aelod hwn o staff yn rhoi cefnogaeth ac arweiniad, a bydd yn berson cyswllt ar gyfer unrhyw gymorth neu gyngor ynghylch Senedd Ieuenctid Cymru. Bydd hefyd yn rhoi gwybodaeth reolaidd am y newyddion diweddaraf, ac yn rhoi gwybodaeth am gyfarfodydd a digwyddiadau sydd ar y gweill.
- Bydd y Senedd yn rhoi gwybodaeth i rieni neu warcheidwaid Aelodau Senedd Ieuenctid Cymru am eu rôl yn Senedd Ieuenctid Cymru.
- Bydd y Senedd yn rhoi cymorth a gwybodaeth i ysgolion a mudiadau Ieuenctid ynghylch eu rôl yn Senedd Ieuenctid Cymru.
- Bydd y Senedd yn talu unrhyw gostau Aelodau Senedd Ieuenctid Cymru sy'n ymwneud â'u gwaith gyda Senedd Ieuenctid Cymru, megis:
 - Teithio awdurdodedig;
 - Llety;
 - Bwyd;
 - Y gost o fynd i weithgareddau a drefnir gan y Senedd.
- Bydd y Senedd yn cynnig opsiynau cludiant ar gyfer digwyddiadau Senedd Ieuenctid Cymru a gaiff eu trefnu gan y Senedd.
- Bydd y Senedd yn rhoi hyfforddiant perthnasol a defnyddiol ynghylch rôl y Senedd.

- Bydd y Senedd yn rhoi arweiniad a hyfforddiant clir ar bolisiâu y bydd angen i holl Aelodau Senedd leuenctid Cymru eu dilyn, gan gynnwys: cyfryngau cymdeithasol, cyfle cyfartal, diogelu ac amddiffyn plant.
- Bydd Aelodau Senedd leuenctid Cymru yn cael hyfforddiant ac arweiniad llawn ar unrhyw waith y gofynnir iddynt ei wneud ar gyfer Senedd leuenctid Cymru, gall hyn gynnwys: hyfforddiant ymchwil, siarad yn gyhoeddus, sgiliau dadlau, defnyddio cyfryngau cymdeithasol, diogelu a mwy.
- Bydd y Senedd yn rhoi cymorth i Aelodau Senedd leuenctid Cymru ar gyfer eu datblygiad personol a datblygu eu rôl yn Senedd leuenctid Cymru i'w helpu i wneud y gorau y gallant.

CYFRIFOLDEBAU BOD YN AELOD O SENEDD IEUENCTID CYMRU

Mae bod yn Aelod o Senedd Ieuencid Cymru yn gyfle gwych i bobl ifanc rhwng 11 ac 17 oed ledled Cymru.



Yr uchafbwynt i mi oedd lansio ein hadroddiad, 'Meddyliau Iau o Bwys', a gweld cymaint o ddylanwad y mae'r adroddiad hwnnw wedi ei gael ar y bobl sy'n gwneud y penderfyniadau mawr yn y Senedd.

Zach Davies
Aelod o Senedd Ieuencid Cymru,
2021- 2024

Bydd y Senedd yn disgwyl i holl Aelodau Senedd Ieuencid Cymru ddilyn a chadw at God Ymddygiad Senedd Ieuencid Cymru. Os honnir bod Aelod o Senedd Ieuencid Cymru wedi torri'r Cod Ymddygiad, cynhelir ymchwiliad teg i'w ymddygiad ac unrhyw honiadau a wneir cyn penderfynu ar unrhyw gamau pellach. Bydd fersiwn fanwl o'r Cod Ymddygiad cael ei rhoi i holl Aelodau Senedd Ieuencid Cymru unwaith y byddant wedi cael eu hethol, ac mae'r pwyntiau allweddol wedi'u nodi isod.

Disgwylir i Aelodau o Senedd Ieuencid Cymru:

1. Drin pobl â pharch bob amser a bod yn gwrtais wrth ymgysylltu â phobl eraill, boed hynny wyneb yn wyneb, dros y ffôn, yn ysgrifenedig neu ar y cyfryngau cymdeithasol. Gall y bobl y byddwch yn ymgysylltu â nhw

gynnwys cyd-Aelodau o Senedd Ieuenctid Cymru, Aelodau o'r Senedd, staff cymorth Aelodau o'r Senedd, tîm Senedd Ieuenctid Cymru, staff Comisiwn y Senedd staff y Senedd ac unrhyw bobl eraill rydych chi'n dod i gysylltiad â nhw fel un o gynrychiolwyr Senedd Ieuenctid Cymru.

2. Gofalu am ein hoffer a'n lleoliadau.
3. Dangos ymrwymiad rhesymol i Senedd Ieuenctid Cymru.
4. Cadw at y gyfraith bob amser a pheidio ag ymgymryd ag unrhyw weithgareddau anghyfreithlon wrth gymryd rhan yng ngweithgareddau Senedd Ieuenctid Cymru.
5. Peidio â bod o dan ddylanwad alcohol, cyffuriau neu sylweddau nad ydych wedi cael cyngor meddygol i'w cymryd, na defnyddio unrhyw un o'r rhain, wrth gymryd rhan yng ngweithgareddau Senedd Ieuenctid Cymru.
6. Peidio eirioli ar ran unrhyw blaid wleidyddol yn ystod gweithgareddau swyddogol Senedd Ieuenctid Cymru, nac ymddwyn fel cynrychiolydd plaid wleidyddol yn ystod y gweithgareddau hyn.
7. Gwarchod statws Senedd Ieuenctid Cymru fel corff sy'n niwtral yn wleidyddol, yn enwedig yn ystod cyfnod y toriad yn y trydydd tymor. Dylet beidio ag awgrymu dy fod, fel Aelod o Senedd Ieuenctid Cymru, neu Senedd Ieuenctid Cymru yn ei chyfanrwydd, yn cefnogi ymgeiswyr penodol neu bleidiau gwleidyddol penodol yn etholiad y Senedd yn 2026.
8. Cadw at yr holl bolisiau a rhwymedigaethau (gan gynnwys ynghylch gwarchod data, diogelu, bwlio, y cyfryngau a'r cyfryngau cymdeithasol a chadw'n ddiogel ar-lein).
9. Parchu Cynllun Ieithoedd Swyddogol y Senedd, a'r hawl i bobl ifanc weithio, cyfathrebu ac ymgysylltu drwy gyfrwng y Gymraeg neu'r Saesneg.
10. Cadw dy hun ac eraill yn ddiogel drwy wrando ar dîm y Senedd Ieuenctid a staff eraill Comisiwn y Senedd, gan gynnwys dilyn pob cyfarwyddyd rhesymol.
11. Peidio ag ymddwyn mewn ffordd sy'n debygol o niweidio enw da Senedd Ieuenctid Cymru.

PA YMRWYMIAD A DDISGWYLIR GAN AELOD O SENEDD IEUENCTID CYMRU?

**Disgwylir i Aelodau'r Senedd Ieuentid gymryd rhan yng
ngweithgareddau Senedd Ieuentid Cymru drwy gydol y cyfnod o
ddwy flynedd.**

Bydd pob un o'r 60 Aelod o Senedd Ieuentid Cymru yn cwrdd fel grŵp cyfan, fel arfer yn y Senedd, dair gwaith yn ystod eu tymor o ddwy flynedd.

Bydd Aelodau hefyd yn cyfarfod yn eu hardaloedd rhanbarthol, yn ogystal â chyfarfodydd rhithwir lle bo hynny'n bosibl. Bydd eu gwaith yn cynnwys cyfarfod a thrafod materion gydag Aelodau eraill o Senedd Ieuentid Cymru ac ymgynghori â'r bobl ifanc y maent yn eu cynrychioli ar y materion a godwyd. Gwneir pob ymdrech i drefnu cyfarfodydd a digwyddiadau ar adegau a dyddiadau a fydd yn galluogi cymaint o Aelodau Senedd Ieuentid Cymru â phosibl i fod yn bresennol.

PWY ALL SEFYLL FEL YMGEISYDD YN YR ETHOLIAD?

Gall unrhyw berson ifanc sy'n byw yng Nghymru, neu sy'n cael addysg yng Nghymru, enwebu ei hun yn ymgeisydd ar gyfer un o'r 40 sedd etholaethol. Fodd bynnag, bydd angen bod o leiaf 11 oed ac 17 oed ar y mwyaf ar ddiwrnod olaf yr etholiad (25 Tachwedd 2024).

Gall pobl ifanc sy'n gymwys i sefyll yn yr etholiad sefyll fel ymgeisydd ar gyfer un o'r 40 sedd etholaeth. Os yw person ifanc sy'n dymuno sefyll mewn etholiad yn cael ei addysg mewn etholaeth etholiadol sy'n wahanol i'w gyfeiriad cartref, gall ddewis pa etholaeth y mae'n dymuno sefyll ar ei chyfer. Mae'n bosibl gwirio eich etholaeth drwy fynd i [senedd.cymru/dod-o-hyd-i-aelod-o-r-senedd](https://www.senedd.cymru/dod-o-hyd-i-aelod-o-r-senedd).

Gall person ifanc hefyd gael ei ethol fel cynrychiolydd gan sefydliad partner swyddogol. Mae'n bosibl i berson ifanc sefyll fel ymgeisydd i'w ethol yn ei etholaeth ac i sefydliad partner ar yr un pryd. Os yw person ifanc yn ennill y mwyafrif o bleidleisiau ar gyfer un o'r 40 sedd etholaethol, ac mai dyma'r ymgeisydd dewisol a gaiff ei ethol gan sefydliad partner swyddogol, y person ifanc fydd yn dewis pa sedd y mae am ei chael. Bydd y sedd a wrthodir yn cael ei chynnig i'r person ifanc a ddaeth yn ail o ran nifer y pleidleisiau yn yr etholaeth honno, neu'n cael ei chynnig i sefydliad partner swyddogol y Senedd leuenctid a fydd, wedyn, yn ethol person ifanc arall.

I sefyll fel ymgeisydd ar gyfer sedd yn yr etholaeth, bydd angen i'r person ifanc lenwi ffurflen gais yn www.seneddieuenctid.cymru. Bydd y ceisiadau'n agor ym mis Mehefin 2024 ac yn cau ym mis Medi 2024.

Bydd y ffurflen yn cymryd tua 15 munud i'w chwblhau. Rhaid i ymgeiswyr ddarllen y cyflwyniad, cwblhau'r blychau perthnasol sy'n nodi eu bod yn cadarnhau bod y wybodaeth y maent wedi'i chyflwyno yn gywir, a chytuno y byddant yn cydymffurfio â rheolau'r etholiad. Bydd angen caniatâd rhieni hefyd i wneud cais a llenwi'r ffurflen.

Bydd angen i bobl ifanc roi'r wybodaeth ganlynol i wneud cais:

- Enw;
- Cyfeiriad a chod post;

- Cyfeiriad e-bost;
- Dyddiad geni;
- Ffurflen gydraddoldeb.

Bydd angen i ymgeiswyr roi bywgraffiad byr ohonynt eu hunain. Ni ddylai hyn fod yn hirach na 200 gair. Dylai nodi pam y byddai'r ymgeisydd yn Aelod da o Senedd Ieuenctid Cymru a'r tri phwnc sydd bwysicaf iddi/iddo. Mae angen i'r materion fod yn bethau y mae gan y Senedd bwerau drostynt megis iechyd, y Gymraeg, darpariaethau ieuenctid, yr amgylchedd ac ati. Ceir rhagor o wybodaeth am bwerau'r Senedd ar wefan y Senedd [**senedd.cymru/pwerau**](https://www.senedd.cymru/pwerau).

Unwaith y bydd pobl ifanc wedi cwblhau eu ffurflen gais ar-lein yn llwyddiannus ac ar ôl gwirio eu gwybodaeth, anfonir rhagor o wybodaeth am broses yr etholiad atynt. Bydd hyn yn sôn wrthynt am bopeth y mae angen iddynt ei wybod ynghylch sefyll mewn etholiad i Senedd Ieuenctid Cymru.

Bydd yr 20 sedd arall yn cael eu hethol gan sefydliadau partner.

SEFYDLIADAU PARTNER

Caiff 20 o'r 60 o Aelodau Senedd Ieuencid Cymru eu hethol gan sefydliadau partner er mwyn sicrhau bod grwpiau amrywiol o bobl ifanc yn cael eu cynrychioli.

Gall unrhyw fudiad, o unrhyw faint, o unrhyw ran o Gymru, wneud cais i fod yn sefydliad partner.



Mae'r profiad wedi cael effaith fawr ar ein cynrychiolwyr a'u dyfodol. Mae cymaint o fanteision o ran gwybodaeth, sgiliau, profiad ac ymwybyddiaeth. Faint o bobl ifanc all ddweud eu bod wedi sefyll i fyny yn y Senedd neu fynychu cyfarfodydd gweinidogol a thrafod yn y Siambr?

**Anabledd Dysgu Cymru
Sefydliad Partner Senedd Ieuencid
Cymru, 2021-2024**

Bydd angen i fudiadau sydd am ddod yn bartner swyddogol Senedd Ieuencid Cymru wneud cais ysgrifenedig erbyn 28 Mehefin 2021, a byddant yn cael eu hystyried yn erbyn meini prawf penodol.

Mae canllaw ar ddod yn sefydliad partner i Senedd Ieuencid Cymru a ffurflen gais ar gael yn www.seneddieuencid.cymru

PLEIDLEISIO YN ETHOLIADIADAU SENEDD IEUENCTID CYMRU

Mae'r holl bobl ifanc rhwng 11 ac 17 oed sy'n byw neu'n cael eu haddysg yng Nghymru yn gymwys i bleidleisio mewn etholiadau Senedd Ieuencid Cymru, ond rhaid iddynt gofrestru i bleidleisio ymlaen llaw.

Gallwch gofrestru i bleidleisio rhwng 27 Mai a 20 Tachwedd 2024. Bydd pobl ifanc yn gallu cofrestru i bleidleisio yn www.seneddieuentid.cymru.

Nid oes angen i rai oedd wedi cofrestru i bleidleisio yn etholiadau Senedd Ieuencid Cymru 2021 wneud hynny eto. Byddant yn cael e-bost yn cadarnhau eu bod yn parhau i fod wedi cofrestru i bleidleisio. Byddant yn cael cod pleidleisio a chyfarwyddiadau drwy e-bost ar 4 Tachwedd 2024.

Dim ond ychydig funudau y bydd yn eu cymryd i gofrestru i bleidleisio, a bydd angen y wybodaeth ganlynol:

- Enw;
- Cod post (cartref neu ysgol);
- Cyfeiriad e-bost;
- Dyddiad Geni.

Ar ôl cofrestru ar-lein, anfonir e-bost yn gofyn i'r person ifanc gadarnhau'r manylion a dilysu ei gofrestrriad. Os nad yw hyn i'w weld yn eich blwch derbyn, gwiriwch eich post 'sothach'. **Bydd pleidleisio ar gyfer yr etholiad yn agor ar 4 Tachwedd ac yn cau ar 25 Tachwedd 2024.**

Bydd angen i'r bobl ifanc sydd wedi cofrestru i bleidleisio gael eu cod pleidleisio pan fyddant yn bwrw eu pleidlais. Mae hyn er mwyn sicrhau mai dim ond un cyfle sydd gan bawb sydd wedi cofrestru i fwrw eu pleidlais dros yr ymgeisydd o'u dewis.

Bydd bywgraffiadau'r holl ymgeiswyr ar gyfer pob etholaeth ar gael yn www.seneddieuentid.cymru ganol mis Hydref 2024.

SUT Y GALL YSGOLION A SEFYDLIADAU IEUENCTID GEFNOGI A HYRWYDDO ETHOLIAD SENEDD IEUENCTID CYMRU?

Mae'r sail ar gyfer Senedd Ieuenctid Cymru ar gael yn erthygl 12 o Gonfensiwn y Cenhedloedd Unedig ar Hawliau'r Plentyn (CCUHP).

Mae hwn yn nodi hawl plant a phobl ifanc i fynegi barn ac i'r farn honno gael ei hystyried pan fydd penderfyniadau'n cael eu gwneud ar unrhyw fater sy'n effeithio arnynt.

Mae hyn hefyd yn sail i egwyddorion allweddol gwaith ieuenctid yng Nghymru ac mae'n cael ei adlewyrchu'n glir yn y cwricwlwm newydd i Gymru sydd â'r nod o ddatblygu pobl ifanc i fod yn ddinasyddion Cymru a'r byd sy'n wybodus o ran moeseg. O ganlyniad, mae cefnogi a hyrwyddo Senedd Ieuenctid Cymru yn berthnasol, ac mae'n cynnig profiadau unigryw i bobl ifanc gymryd rhan yn yr ystafell ddosbarth, gartref neu fel rhan o sefydliad ieuenctid.



Mae Senedd Ieuenctid Cymru wedi fy helpu i wella fy sgiliau cyfathrebu, fy ngallu i weithio mewn tîm a fy sgiliau gwranddo, a bydd hyn oll yn hynod ddefnyddiol yn awr ac yn y dyfodol. Ac, wrth gwrs, mae'r Senedd Ieuenctid wedi gwella fy nealltwriaeth o wleidyddiaeth yn sylweddol, a byddaf bob amser yn ddiolchgar am hynny.

Bowen Cole
Aelod o Senedd Ieuenctid Cymru,
2021-2024


Er mwyn annog cymaint o bobl ifanc â phosibl i gymryd rhan yng ngwaith Senedd Ieuenctid Cymru, mae tîm Addysg ac Ymgysylltu â Phobl Ifanc y Senedd yn croesawu cefnogaeth ysgolion, colegau a sefydliadau ieuenctid ledled Cymru.


Ein gobaith yw y bydd pobl ifanc o wahanol oedrannau, rhywiau, cefndiroedd cymdeithasol-economaid, galluoedd ac ethnigrwydd, o bob rhan o Gymru, yn cymryd rhan yng ngwaith Senedd Ieuenctid Cymru mewn rhyw ffordd, naill ai trwy gofrestru i bleidleisio, drwy sefyll mewn etholiad, drwy bleidleisio yn ystod yr etholiad, neu drwy gyfrannu at waith Aelodau Senedd Ieuenctid Cymru ar faterion sy'n bwysig iddynt.

Mae tîm Addysg ac Ymgysylltu â Phobl Ifanc y Senedd wedi datblygu amrywiaeth o adnoddau, gweithdai i bobl ifanc a sesiynau hyfforddi i weithwyr proffesiynol i gefnogi'r gwaith o hyrwyddo etholiad Senedd Ieuenctid Cymru. Mae manylion llawn yr adnoddau a'r wybodaeth i gadw lle ar gyfer yr adnoddau, y gweithdai a'r sesiynau hyfforddi am ddim ar gael yn www.seneddieuenctid.cymru neu gallwch e-bostio helo@seneddieuenctid.cymru i gael rhagor o wybodaeth.

Mae llawer o ffyrdd ymarferol y gall ysgolion, colegau a sefydliadau ieuenctid gefnogi Senedd Ieuenctid Cymru, gan gynnwys:

- Defnyddio ein cynlluniau sesiynau Senedd Ieuenctid Cymru neu gofrestru i fod yn rhan o weithdy fel rhan o wasanaeth â thema dinasyddion neu wersi i godi ymwybyddiaeth am waith y Senedd a Senedd Ieuenctid Cymru;
- Defnyddio'r cynllun ar gyfer sesiynau ar Senedd Ieuenctid Cymru neu gofrestru i fod yn rhan o weithgaredd sefydliad ieuenctid;
- Hyrwyddo Senedd Ieuenctid Cymru ar gyfryngau cymdeithasol neu mewn cylchlythyrau ac ar wefannau;
- Annog pobl ifanc i gofrestru i bleidleisio yn etholiadau Senedd Ieuenctid Cymru, caniatáu amser yn ystod amser cofrestru, gwersi perthnasol, neu weithgaredd clwb i bobl ifanc rhwng 11 ac 17 oed i gofrestru i bleidleisio;
- Annog dadleuon a thrafodaethau dan arweiniad pobl ifanc ar faterion sy'n bwysig iddynt a chyfrannu at ymgynghoriad Senedd Ieuenctid Cymru ar Faterion o Bwys;
- Annog pobl ifanc i sefyll yn yr etholiad i ddod yn Aelod o Senedd Ieuenctid Cymru a chynnig cefnogaeth i'r bobl ifanc yn ystod y broses ymgeisio;
- Cefnogi pobl ifanc sy'n sefyll yn yr etholiad yn ystod y cyfnod 3 wythnos o bleidleisio, trwy eu helpu i godi ymwybyddiaeth ymysg pobl ifanc eraill mewn ysgol neu fudiad ieuenctid;
- Caniatáu amser yn ystod gwersi, amser cofrestru neu weithgaredd clwb ieuenctid i bobl ifanc ddarllen am yr ymgeiswyr ac i bleidleisio;
- Rhannu gwybodaeth am Senedd Ieuenctid Cymru o fewn eich rhwydweithiau eich hun;
- Annog pobl ifanc i fynd i ddigwyddiadau a drefnir gan Senedd Ieuenctid Cymru;
- Yn dilyn yr etholiad, cymryd rhan mewn digwyddiadau a gweithgareddau ymgynghori Senedd Ieuenctid Cymru i godi ymwybyddiaeth o faterion a ddewiswyd gan bobl ifanc.







GWEFAN: *SENEDDIEUENCTID.CYMRU*

INSTAGRAM: *SENEDDIEUENCTIDCYMRU*

FACEBOOK: *SENEDDIEUENCTIDCYMRU*

X: *@SENEDDIEUENCTID*